

**✘ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ  
ՔԱՂԱՔԱՑԻԱԿԱՆ ԴԱՏԱՐԱՆ  
ԱԶԱՓՆՅԱԿ-2 ՆՍՏԱՎԱՅԻՐ  
(ՀՀ, համայնք Երեւան, ԱզաֆնՅակ, ՀԱԼԱԲՅԱՆ Փ., շենք 41Ա, 10-րդ ՀԱՐԿ)**



Սույն փաստաթղթի իսկությունը հնարավոր է ստուգել <https://verify.e-gov.am> կայքում մուտքագրելով IE79-22CA-4256-99B1 հսկիչ համարը կամ սքանավորելով QR կոդը:

Քաղաքացիական գործ թիվ ԵԴ2/13499/02/25



**ՈՐՈՇՈՒՄ**

**ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,**

**ՊԱՏԱՍԽԱՆՈՂԻՑ ԱՊԱՑՈՒՅՑՆԵՐ ՊԱՀԱՆՁԵԼՈՒ ԵՎ  
ԴԱՏԱԿԱՆ ՆԻՍՏ ՀՐԱՎԻՐԵԼՈՒ ՄԱՍԻՆ**

11.02.2026թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը՝ դատավոր Ս. Երիցյանի նախագահությամբ (այսուհետ նաև՝ Դատարան), քննարկելով ըստ հայցի «Հելիոն» ՍՊԸ-ի (այսուհետ նաև՝ Հայցվոր) ընդդեմ «Հայկական Ատոմային Էլեկտրակայան» ՓԲԸ-ի (այսուհետ նաև՝ Պատասխանող)՝ թիվ «ՀԱԷԿ-ԳՀԱՊԶԲ-63/25» ծածկագրով գնման ընթացակարգն ոչ իրավաչափ ճանաչելու, որպես հետևանք նոր ընթացակարգ հայտարարելուն պարտավորեցնելու պահանջների մասին, հայցադիմումը վարույթ ընդունելու հարցը,

## ՊԱՐԶԵՑ

Հայցվորի ներկայացուցիչը հայցադիմում է ներկայացրել դատարան ընդդեմ Պատասխանողի՝ թիվ «ՀԱԷԿ-ԳՀԱՊԶԲ-63/25» ծածկագրով գնման ընթացակարգն ոչ իրավաչափ ճանաչելու, որպես հետևանք նոր ընթացակարգ հայտարարելուն պարտավորեցնելու պահանջների մասին:

Հայցադիմումն էլեկտրոնային համակարգի միջոցով դատարան ներկայացվել է 17.12.2025 թվականին, կազմվել է թիվ ԵԴ2/13499/02/25 քաղաքացիական գործը, որը **մակագրվել է** Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ս. Երիցյանին **17.12.2025 թվականին, ժամը 21:30-ին**, իսկ հասանելի է դարձել **18.12.2025 թվականին**:

Դատարանի 22.12.2025 թվականի որոշմամբ հայցադիմումը վերադարձվել է:

Հայցվորի ներկայացուցչի կողմից 26.12.2025 թվականին ներկայացվել է վերաքննիչ բողոք Դատարանի «Հայցադիմումը վերադարձնելու մասին» 22.12.2025 թվականի որոշման դեմ:

ՀՀ վերաքննիչ քաղաքացիական դատարանի 03.02.2026 թվականի որոշմամբ Դատարանի «Հայցադիմումը վերադարձնելու մասին» 22.12.2025 թվականի որոշումը վերացվել է և քաղաքացիական գործն ուղարկվել է նույն դատարան՝ հայցադիմումը վարույթ ընդունելու հարցը լուծելու նպատակով:

Հիմք ընդունելով ՀՀ վերաքննիչ քաղաքացիական դատարանի 03.02.2026 թվականի որոշումը՝ Դատարանը գտնում է, որ հայցադիմումը պետք է ընդունել վարույթ:

ՀՀ քաղաքացիական դատավարության օրենսգրքի 234.6-րդ հոդվածի 1-3-րդ մասերի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

ՀՀ քաղաքացիական դատավարության օրենսգրքի 234.9-րդ հոդվածի համաձայն՝

1. Դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ՝

**1) դատարանը գործին մասնակցող անձի միջնորդությամբ կամ իր**

**նախաձեռնությամբ եկել է եզրահանգման, որ անհրաժեշտ է գործին մասնակցող անձանցից ստանալ պարզաբանումներ գործի լուծման համար նշանակություն ունեցող վկայակոչված հանգամանքների և գործում առկա ապացույցների վերաբերյալ.**

2) ներկայացվել է հայցալիս վաղեմություն կիրառելու մասին միջնորդություն.

3) հայցվորը հրաժարվել է պահանջից:

2. Գործը դատական նիստում քննելու վերաբերյալ միջնորդությունը գործին մասնակցող անձը կարող է ներկայացնել մինչև հայցադիմումի պատասխան ներկայացնելու համար սահմանված ժամկետի լրանալը:

3. Գործը դատական նիստում քննելու մասին դատարանը կայացնում է որոշում հայցադիմումի պատասխան ներկայացնելու համար սահմանված ժամկետը լրանալուց կամ հայցալիս վաղեմություն կիրառելու մասին միջնորդություն ներկայացնելուց հետո՝ եռօրյա ժամկետում:

**4. Գործը դատական նիստում քննելու հարցը կարող է լուծվել նաև հայցադիմումը վարույթ քննունելու մասին որոշմամբ:**

ՀՀ քաղաքացիական դատավարության օրենսգրքի 119.1-րդ հոդվածի 1-ին մասի համաձայն՝ սույն գլխի նորմերը տարածվում են Էլեկտրոնային համակարգի (այսուհետ՝ Համակարգ) միջոցով դատարանի և դատավարության մասնակիցների, ինչպես նաև սույն օրենսգրքով նախատեսված այլ անձանց կողմից իրականացվող գործողությունների վրա:

ՀՀ քաղաքացիական դատավարության օրենսգրքի 119.2-րդ հոդվածի 1-ին մասի 3-րդ կետի «բ» ենթակետի համաձայն՝ սույն գլխի իմաստով՝ Համակարգն օգտագործող անձ է (են) համարվում՝ իրավաբանական անձինք, անհատ ձեռնարկատերերը, պետական և տեղական ինքնակառավարման մարմինները, **գնումների հետ կապված վեճերով վարույթում պատասխանողները**, ներկայացուցիչ հանդիսացող փաստաբանները, սնանկության գործով կառավարիչները, նոտարները և արտոնագրված հաշտարարները՝ **անկախ Համակարգի միջոցով որևէ անգամ որևէ գործողություն կատարած լինելուց կամ չլինելուց:**

ՀՀ քաղաքացիական դատավարության օրենսգրքի 119.4-րդ հոդվածի 1-ին մասի համաձայն՝ բոլոր դատավարական փաստաթղթերը (հայցադիմում, դիմում, բողոք, պատասխան, դիրքորոշում, միջնորդություն և այլն) կազմվում և **ներկայացվում են Համակարգի միջոցով**՝ Համակարգի կողմից տրամադրվող գործիքակազմին և առաջադրվող պահանջներին համապատասխան, **քացառությամբ** պետական գաղտնիք կազմող տեղեկությունների, որոնք ներկայացվում են միայն նյութական եղանակով:

ՀՀ քաղաքացիական դատավարության օրենսգրքի 119.8-րդ հոդվածի 2-րդ մասի համաձայն՝ գրավոր ապացույցները ներկայացվում են դրանք սույն օրենսգրքով նախատեսված դատավարական փաստաթղթերին կցելու և **Համակարգով ուղարկելու միջոցով:**

Վերոգրյալի հաշվի առնմամբ Դատարանը գտնում է, որ պատասխանող «Հայկական Ատոմային Էլեկտրակայան» ՓԲԸ-ից պետք է պահանջել «ՀԱԷԿ-ԳՀԱՊԶԲ-63/25» ծածկագրով գնման գործընթացի հետ կապված իր տիրապետման տակ գտնվող բոլոր ապացույցները, ընդ որում, ապացույցները

պետք է ներկայացվեն **Էլեկտրոնային համակարգի միջոցով (բացառությամբ** պետական գաղտնիք կազմող տեղեկությունների):

Դատարանը, հիմք ընդունելով այն հանգամանքը, որ Հայցվորի ներկայացուցչի կողմից ներկայացվել է թիվ «ՀԱԷԿ-ԳՀԱՊՁԲ-63/25» ծածկագրով **գնման ընթացակարգն** ոչ իրավաչափ ճանաչելու, որպես հետևանք նոր ընթացակարգ հայտարարելուն պարտավորեցնելու պահանջների մասին հայցադիմում, հետևաբար հայցապահանջի նման ձևակերպման պայմաններում հասկանալի չէ, թե «գնման ընթացակարգ» եզրույթն օգտագործելով ի վերջո գնման առարկայի բնութագրերն է վիճարկվում, հրավերի պահանջները, թե երկուսը միասին, միաժամանակ նկատի ունենալով ՀՀ վերաքննիչ քաղաքացիական դատարանի 03.02.2026 թվականի որոշմամբ արտահայտած դիրքորոշումը, գտնում է, որ սույն գործով պետք է հրավիրել դատական նիստ ներկայացված հայցապահանջի վերաբերյալ պարզաբանումներ ստանալու համար:

Դատարանն այս համատեքստում հարկ է համարում արձանագրել, որ ներկայացված հայցապահանջի վերաբերյալ պարզաբանումներ ստանալուց հետո **միայն** հնարավոր կլինի աներկբա եզրահանգումներ կատարել սույն գործի շրջանակներում ներկայացված հայցադիմումի համար անհրաժեշտ պետական տուրքի չափի վերաբերյալ, հետևաբար Դատարանը հարկ է համարում ընդգծել, որ հայցապահանջի վերաբերյալ պարզաբանումներ ստանալուց հետո հնարավոր է եզրափակիչ դատական ակտով առկա լինի **լրացուցիչ պետական տուրք գանձելու հնարավորություն:**

Ղեկավարվելով ՀՀ քաղաքացիական դատավարության օրենսգրքի 119.1-րդ, 124-րդ, 199-րդ և 200-րդ, 234.5-րդ, 234.6-րդ, 234.9-րդ հոդվածներով, Դատարանը

### **ՈՐՈՇԵՑ**

1. «Հելիոն» ՍՊԸ-ի ընդդեմ «Հայկական Ատոմային Էլեկտրակայան» ՓԲԸ-ի` թիվ «ՀԱԷԿ-ԳՀԱՊՁԲ-63/25» ծածկագրով գնման ընթացակարգն ոչ իրավաչափ ճանաչելու, որպես հետևանք նոր ընթացակարգ հայտարարելուն պարտավորեցնելու պահանջների մասին, հայցադիմումն ընդունել վարույթ:

2. «Հայկական Ատոմային Էլեկտրակայան» ՓԲԸ-ից պահանջել դատարան ներկայացնել «ՀԱԷԿ-ԳՀԱՊՁԲ-63/25» ծածկագրով գնման գործընթացի հետ կապված իր տիրապետման տակ գտնվող բոլոր ապացույցները, ընդ որում, ապացույցները պետք է ներկայացվեն **Էլեկտրոնային համակարգի միջոցով (բացառությամբ** պետական գաղտնիք կազմող տեղեկությունների):

3. Ապացույցներ պահանջելու վերաբերյալ որոշումը պատասխանող «Հայկական Ատոմային Էլեկտրակայան» ՓԲԸ-ի կողմից պետք է կատարվի սույն որոշումը ստանալուց հետո` **հնգօրյա ժամկետում:**

4. Հրավիրել դատական նիստ` **05.03.2026 թվականին, ժամը 11:00-ին** Երևան քաղաքի առաջին ատյանի ընդհանուր իրավասության քաղաքացիական դատարանի Աջափնյակ-2 նստավայրի վարչական շենքում (**հասցե` ՀՀ, ք. Երևան, Հայաբյան 41ա, 11-րդ հարկ, դատական նիստերի դահլիճ թիվ**

9):

5. **Սույն գործով առկա է եզրափակիչ դատական ակտով  
լրացուցիչ պետական տուրք գանձելու հնարավորություն:**

Որոշումն օրինական ուժի մեջ է մտնում կայացման պահից և ենթակա չէ  
բողոքարկման:

**ԴԱՏԱՎՈՐ**

**Ս. ԵՐԻՑՅԱՆ**

---

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝  
[cabinet.armlex.am](http://cabinet.armlex.am)